

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
OPĆINA NOVI GRAD SARAJEVO
Općinsko vijeće

Broj: 01-02-3530/25
Sarajevo, 04.03.2025. godine

OPĆINA NOVI GRAD SARAJEVO OPĆINSKI NAČELNIK

PREDMET: Vijećnička pitanja i inicijative, dostavlja se

Na 4. radnoj sjednici Općinskog vijeća općinski vijećnici postavili su nekoliko vijećničkih pitanja odnosno pokrenuli su vijećničke inicijative sljedećeg sadržaja:

- a) Vijećničke inicijative

-vijećnik Enes Husejnović-

U ime Savjeta MZ Alipašin Most III pokrećem inicijativu:

Iscrtavanje privremenog pješačkog prijelaza u ul. Džemala Bijedića do br 138 ili 131 do realizacije planirane rekonstrukcije Obrzloženje: Izgradnjom kružnih tokova u ul. Džemala Bijedića pored kvadrant pijace i pored preduzeća GRAS, protok saobraćaj je dinamiziran i bez zaustavljanja u dužini od 500m (između brojeva 108 i 137). U središnjem dijelu navedene lokacije nalazi se zgrada Dijamant sa tri (3) ulaza i 311 stambenih jedinica (Dž. Bijedića br. 134) i zgrade Nove Otoke sa osam (8) ulaza i 1040 stambenih jedinica (Mehmeda Alagića od br 9 do 19). Pored zgrade se nalazi i Privatna predškolska ustanova „Panda školarac“ (Dž. Bijedića br. 128). Trenutni pješački prijelazi (kružni tokovi) su udaljeni oko 200m od navedene lokacije.

Izrazito frekfentan prelazak pješaka na navedenoj lokaciji podstaknut je:

- Etažni vlasnici zgrade Dijamant (311 stanova) za svakodnevne potrebe kupovine u marektu, pekari, apoteci i sl. moraju prelaziti ul. Dž. Bijedića prema zgradama Nove Otoke
- Etažni vlasnici zgrade Nove Otoke (1040 stanova) koji imaju djecu predškolskog uzrasta moraju preći ulicu Dž. Bijedića prema Privatnoj predškolskoj ustanovi Panda školarac
- Na navedenoj lokaciji se nalaze i drugi poslovni subjekti ELPI comerc, MBM Cvjećara, (rasadnik), ASA Bolnica, koji imaju veći broj posjetilaca.

-vijećnica Azra Čomor –

1. Inicijativa za rekonstrukciju/sanaciju „šadrvana“ koji se nalazi u mjesnom groblju u naselju Alipašin Most I / Boljakov Potok.

Obrazloženje: Pokrećem inicijativu da se Javnoj ustanovi „Fond Memorijala Kantona Sarajevo“ proslijedi zahtjev za rekonstrukciju/sanaciju „šadrvana“ koji se nalazi unutar mjesnog mezarja Boljakov Potok. Naime u središnjem dijelu mezarja uz spomen ploču nalazi se drvena natkrivena konstrukcija sa klupom za sjedenje koja je u jako lošem i dotrajalom stanju. Godinama ista nije obnovljena niti uređivana od strane nadležnih za održavanje ovog mjesnog groblja. Ovim putem molim da se inicijativa uputi prema nadležnim, te da se pokrenu aktivnosti i radnje na traženom. Mišljenja sam da je potrebno izdvojiti sredstva i rekonstruisati postojeće iz razloga što su na mjesnom mezarju ukopani ljudi, žene i djeca koja su svoje živote dali za naše bolje danas i sutra... Takođe skrećem pažnju prema nadležnim

da se “aktiviraju” kada je u pitanju održavanje mezarja. Isto je zapušteno i ne održava se adekvatno, te vas molim da u narednom periodu obratite pažnju po pitanju održavanja istog.

-vijećnica Emina Juzbašić –

1. Podnosim inicijativu za sanaciju asfaltne površine u ulici Mahmuta Bušatlije (krak ulice od broja 47 do broja 83). Građani su više puta spominjali i obraćali se MZ „Alipašin most I“ da se uvrsti u Prijedloge zahtjeva iz oblasti infrastrukture.
2. Podnosim inicijativu za postavljanje oglasnih ploča u Aerodromskom naselju i naselju Mahala (Hajrudina Šabanije) Dobrinja, jer trenutno nisu postavljene.
3. Podnosim inicijativu za uređenje i sanaciju parkinga u ulici Rudi Čajavec, Dobrinja. Trenutno na parkingu je zemljana podloga i nije iscrtan.

-vijećnik Haris Alihodžić -

1. Na osnovu zahtjeva građana, podnosim inicijativu za sanaciju i unapređenje sportskog igrališta u ulici Hamdije Kapidzica, prekoputa brojeva 8 i 9.

Predlažem: Popravku košarkaških tribina i golova, Postavljanje adekvatne ograde,

Osiguranje trajne rasvjete radi sigurnosti u večernjim satima.

Molim nadležne službe da hitno razmotre ovu inicijativu.

2. Na osnovu zahtjeva građana ulice Abdulaha Bošnjaka, podnosim inicijativu za asfaltiranje preostalog dijela ulice, dužine oko 50 metara, koji nije asfaltiran prilikom ranijih radova.

S obzirom na to da je veći dio ulice već asfaltiran prije nekoliko godina, smatram da je neophodno završiti i preostali dio od oko 50 metara kako bi se olakšalo lakše kretanje.

Molim nadležne službe da ovu inicijativu razmotre i uvrste u plan asfaltiranja.

3. Na zahtjev građana, podnosim inicijativu za sanaciju krova na zgradi u ulici Gandijeva br. 13.

Krov već duže vrijeme prokišnjava, što stanarima stvara velike probleme, a oni sami nemaju finansijskih sredstava za njegovu sanaciju.

Molim nadležnu službu da izađe na teren, utvrdi činjenično stanje i poduzme potrebne korake za hitnu sanaciju krova.

-vijećnica Anela Šiljević –

1. Utopljavanje objekta JU OŠ „Džemaludin Čaušević“

Obrazloženje: Realizacijom ovog projekta podrazumijeva poboljšanje energetske efikasnosti i uštedu energije, te poboljšanje rada i boravka učenika navedene O.Š.

2. Zamjena stolarije u JU OŠ „Džemaludin Čaušević“

Obrazloženje: Zamjena stolarije u JU OŠ. „Džemaludin Čaušević“ je neophodna jer postojeća stolarija, postavljena 1990. godine kao dio donacije Kraljevine Danske, više ne zadovoljava osnovne standarde

toplinske i zvučne izolacije. Dugogodišnja upotreba dovela je do njenog propadanja, što rezultira gubicima toplote, povećanim troškovima grijanja i otežanim uvjetima za rad i boravak učenika i osoblja. Modernizacija stolarije doprinijela bi energetskej efikasnosti škole, smanjenju troškova grijanja i stvaranju ugodnijeg i zdravijeg prostora za učenje. Također, zamjena je važna i s aspekta sigurnosti, budući da stara stolarija može predstavljati rizik za korisnike škole. Ova inicijativa je ulaganje u budućnost, osiguravajući bolje uvjete rada za sadašnje i buduće generacije učenika.

3. Izgradnja pješačke kratice – stepenice ili pješački put sa rukohvatima za lakše i sigurnije kretanje stanovnika ispod ulice Sulejmana Pačariza Hodže 29.

Obrazloženje: Ovaj projekat omogućio bi sigurnije i brže kretanje građana, posebno starijih osoba, djece i osoba s poteškoćama u kretanju, povezujući ključne tačke u naselju. Osim što bi poboljšala pristupačnost i skratila vrijeme pješaoenja, ova staza bi doprinijela uređenju prostora i smanjenju neformalnih staza koje često postaju opasne u lošim vremenskim uslovima. Predloženi rukohvati dodatno bi povećali sigurnost i funkcionalnost staze za sve korisnike. Ovaj projekt je od izuzetnog značaja za svakodnevni život stanovnika i doprinosi poboljšanju kvaliteta infrastrukture u naselju. U prilogu dostavljam dvije fotografije kao prikaz trenutnog stanja.

4. Obilježavanje i postavljanje znaka za parking mjesta osoba sa invaliditetom

Obrazloženje: U cilju unapređenja pristupačnosti i poboljšanja uslova kretanja osoba s invaliditetom, predlažem inicijativu za ocrtavanje i postavljanje adekvatne signalizacije za invalidska parking mjesta na području općine. Često se dešava da ova parking mjesta nisu jasno obilježena, što otežava njihovu identifikaciju i korištenje od strane osoba kojima su namijenjena.

Stoga smatram da je potrebno izvršiti ocrtavanje horizontalne signalizacije, kao i postavljanje odgovarajućih vertikalnih znakova kako bi se povećala vidljivost i spriječilo nepropisno parkiranje. Također, potrebno je izvršiti reviziju postojećih parking mjesta za osobe sa invaliditetom kako bi se utvrdilo da li su usklađena sa zakonskim propisima i realnim potrebama korisnika. Ovim potezom bismo osigurali bolje uslove za osobe s invaliditetom, omogućili im veću samostalnost i poštovali standarde pristupačnosti koje općina treba osigurati.

5. Donacija 100 000 KM za Palestinu – Gazu

Obrazloženje: S obzirom na tešku humanitarnu situaciju u Palestini - Pojasu Gaze, gdje hiljade ljudi svakodnevno trpe posljedice sukoba, razaranja i nestašice osnovnih životnih potrepiština, smatramo da je neophodno ponoviti praksu iz prethodne godine, kada je izdvojeno 50.000 KM za pomoć palestinskom narodu. Imajući u vidu eskalaciju krize i sve veće potrebe ugroženog stanovništva, predlažemo da se ove godine iznos poveća na 100.000 KM kako bi se osigurala dodatna pomoć u vidu hrane, lijekova, medicinske opreme i drugih osnovnih potrepiština. Ovim činom naša lokalna zajednica još jednom pokazuje solidarnost sa ugroženim stanovnicima i daje doprinos međunarodnim naporima za ublažavanje patnje palestinskog naroda. Kao narod koji je prošao kroz ratna stradanja, duboko razumijemo značaj pomoći u ovakvim trenucima i smatramo da je moralna obaveza podržati one koji se nalaze u izuzetno teškim uslovima.

-vijećnik Vernes Čosić -

1. INICIJATIVA ZA OGRAĐIVANJE POSTOJEĆEG DJEČIJEG IGRALIŠTU IZMEĐU ULICA VOJE DIMITRIJEVIĆA I SARAJEVSKIH ILEGALACA I POSTAVLJANJE KANTI ZA SMEĆE NA NJEMU

Obrazloženje prijedloga inicijative: Postojeći park je u lošem stanju i stalno izložen dodatnoj devastaciji. Velikom broju porodica koji žive u ovom djelu naše općine neophodan je ograđen i sa bogatim mobilijarom uređen park koji bi pružio njihovoj djeci siguran kutak za bezbrižnu igru.

2. POSTAVLJANJE TROTOARA U RELJEVSKOJ ULICI U DUŽINI OD 500 metara OD MOSTA DO GLAVNE MAGISTRALE

Obrazloženje prijedloga inicijative: Postavljanjem ovog trotoara povećala bi se saobraćajna sigurnost ovog dijela naše općine.

3. POSTAVLJANJE TROTOARA NA TRGU ZLATNIH LJILJANA

Obrazloženje prijedloga inicijative: Prilikom izrade ovog trga davne 1983. godine nije planiran saobraćaj na njemu jer su u blizini bile izgrađena garaža. Puštanjem u promet ovog trga i dozvoljenog parkiranja narušena je saobraćajna sigurnost što zahtjeva izradu trotoara za pješake.

-vijećnica Emina Hasanović –

1.HITNA INFORMACIJA I SISTEMATIZACIJA AZBESTNIH VODOVODNIH CIJEVI I AZBESTNIH KROVOVA NA PODRUČJU OPŠTINE NOVI GRAD

Podnosim hitnu inicijativu za pokretanje sistematskog ispitivanja prisustva azbestnih vodovodnih cijevi, kao i krovova od azbestnih krovova na nivou cijele opštine. Ovo pitanje predstavlja ozbiljan zdravstveni rizik za sve nas, jer azbest može izazvati ozbiljne zdravstvene probleme, uključujući respiratorne bolesti i rak, i ne može se ignorisati.

Potrebno je odmah utvrditi tačne lokacije azbestnih cijevi i krovova kako bi se mogao napraviti plan za njihovu zamjenu

Hitno je potrebna sistematizacija ovog problema, uz angažovanje svih relevantnih institucija i stručnjaka, kako bismo brzo i efikasno riješili ovaj urgentni problem. Takođe, molim da se obezbijede potrebna sredstva za ovu akciju preusmjeravanjem sa manje važnih (nekrucijalnih) projekata, jer je zdravlje prioritet, a posljedice pomenutog su zabrinjavajuće.

Upit o azbestnim krovovima postavljen je na javnoj raspravi MZ Dobrinje A, kao i upit o azbestnim vodovodnih cijevi. Obzirom na to da ovaj problem nije centralizovan, već se tiče svih građana, molim za informacije sa terena o stanju azbestnih materijala u općini.

2.RJEŠAVANJE PROBLEMA NEADEKVATNOG DIMNJAKA UGOSTITELJSKOG OBJEKTA U STAMBENOJ ZONI

Obraćam se u ime stanara, u vezi neadekvatno izvedenog dimnjaka ugostiteljskog objekta (ćevabdžinica) koji se nalazi među stambenim objektima u ulici iz ulice Bulevar branilaca Dobrinje. Dimnjak ugostiteljskog objekta nalazi se na visini sa koje dim i isparenja ne izlaze na dovoljnu visinu kako bi se pravilno raspršili u atmosferu. Stanari su prisiljeni da drže prozore zatvorenima kako bi izbjegli prodor dima u svoje domove.

Prema Pravilniku o tehničkim svojstvima za dimnjake u građevinama, dimnjaci moraju biti projektovani i izvedeni tako da ne ugrožavaju higijenu, zdravlje ljudi i okoliš.

U ovom slučaju, dimnjak je izveden mimo ovih standarda i predstavlja ozbiljan problem za stanare okolnih zgrada

Predlažem da Općina poduzme korake u komunikaciji s vlasnikom objekta kako bi se pronašlo adekvatno rješenje u skladu s važećim propisima.

Moguća rješenja: postavljanje filtera – ukoliko dimnjak ne može biti nadograđen ili nakačen na već postojeći dimnjak propisane visine zbog tehničkih ograničenja, potrebno je obavezati vlasnika objekta da ugradi filtere za prečišćavanje dimnih gasova kako bi se smanjila emisija štetnih čestica i mirisa.

Alternativna rješenja – Ukoliko filteri ne budu dovoljni, potrebno je razmotriti druge opcije kao što je mogućnost izmještanja objekta na drugu lokaciju gdje bi se mogao priključiti na dimnjak odgovarajuće visin ili prelazak na električnu opremu umjesto pečenja na ugalj .

Molimo da se reaguje na ovaj problem. Stanari očekuju brzo i efikasno rješenje koje će osigurati zdraviju i sigurniju životnu sredinu.

3.USKLADIVANJE SEMAFORA NA A TRANSVERZALI

Želim skrenuti pažnju na ozbiljan problem na semaforu na A transversali, između Dobrinje 5 i Saraj Polja. Ovaj semafor nije pravilno usklađen za pješake i vozila – dok se vozilima crveno i zeleno smjenjuju automatski, pješaci moraju pritisnuti dugme da bi im se upalilo zeleno. Mnogi nisu svjesni te potrebe, što dovodi do haotičnih i opasnih situacija.

Pješaci često čekaju misleći da će se semafor automatski prebaciti, dok vozači postaju nestrpljivi, trube i podstiču ljude da prelaze na crveno. Ovo je posebno rizično za djecu koja pohađaju OŠ "Aleksa Šantić", korisnike bazena na Dobrinji i sportiste koji treniraju u tom reonu.

Iako se ovakvi semafori na zahtjev pješaka koriste u modernim saobraćajnim sistemima, ključno je da budu pravilno usklađeni sa signalima za vozila. U funkcionalnim sistemima, ako pješak ne pritisne dugme, vozila ne dobijaju crveno svjetlo, čime se osigurava nesmetan protok saobraćaja. Međutim, na A transversali semafor za vozila radi po automatskom ciklusu, dok pješaci moraju ručno aktivirati zeleno. To znači da semafor nije usklađen s principima moderne tehnologije, jer umjesto da optimizuje saobraćaj i povećava sigurnost, stvara konfuziju i rizične situacije.

Zbog toga tražim hitno usklađivanje semafora kako bi se omogućio siguran prelazak pješaka i spriječile opasne situacije u saobraćaju.

4.POSTAVLJANJE POSUDE ZA OTPAD – TIPA ZVONO U ULICI SULEJMANA FILIPOVIĆA 1-5

Na osnovu zaprimljenih zahtjeva građana s područja Mjesne zajednice Dobrinja A, pokrećem inicijativu za uklanjanje natkrivenih niša za otpad i postavljanje posuda za odlaganje otpada tipa „zvono“ u ulici Sulejmana Filipovića 1-6. Veći dio naselja već koristi ovakav sistem odlaganja otpada, koji se pokazao kao efikasno i uredno rješenje, smanjujući nepropisno odlaganje i poboljšavajući higijenske uslove u naselju. Predlažem da nadležna Služba za investicije i komunalne poslove razmotri mogućnost postavljanja ovih posuda i na navedenoj lokaciji, u skladu s potrebama građana.

5.IZGRADNJA TROTOARA I POSTAVLJANJE NOVIH RASVJETNIH TIJELA U ULICI SULEJMANA FILIPOVIĆA

Na Dobrinji 5, u ulici Sulejmana Filipovića, postoje dva dijela ulice bez trotoara: od broja 1 do 5 i od broja 4 do 6. Ovi dijelovi su jedini u naselju bez pješačke staze, što otežava kretanje građanima.

Posebno je urgentna situacija u dijelu od broja 1 do 5, gdje su pješaci primorani koristiti kolovoz jer trotoara nema, a uz rub ceste su parkirana vozila. Dodatni problem predstavlja autopraonica u ulici, zbog koje automobili stalno ulaze i izlaze, povećavajući rizik za pješake. Ovu ulicu svakodnevno koriste djeca na putu do Osnovne škole "Čamil Sijarić", kao i veliki broj građana i djece koja posjećuju sportsku dvoranu Pete gimnazije i Dobrinjske gimnazije, te Park Prijateljstva. Zimi situacija postaje još opasnija zbog leda i suženog prostora za prolaz.

Dio od broja 4 do 6 također nema trotoar, ali je ulica šira, a kretanje pješaka sigurnije jer nema objekata društvenog sadržaja, niti autopraonice u blizini.

Obzirom na sve navedeno, molimo nadležne institucije da prioritarno riješe problem izgradnje trotoara u dijelu od broja 1 do 5, a zatim razmotre i izgradnju u dijelu od broja 4 do 6, kako bi se svim građanima omogućilo sigurno kretanje.

6. OCRTAVANJE HORIZONTALNE SIGNALIZACIJE KA ULICI HAJRUDINA ŠABANIJE

Ocrtavanje horizontalne signalizacije u ulici Braće Mulića ka skretanju u ulicu Hajrudina Šabanije je ključno za povećanje bezbjednosti učesnika u saobraćaju. Navedeno je potrebno kako bi se smanjile opasne situacije na ovoj prometnoj ulici i osiguralo sigurnije kretanje kroz naselje.

7. MOLIM ZA INFORMACIJU O POPUNJENOSTI JAVNIH GARAŽA U OPŠTINI NOVI GRAD

Podnosim inicijativu da se dostave informacije o trenutnoj popunjenosti javnih garaža u našoj opštini, kao i podaci o popunjenosti za posljednja dva kvartala. Posebno izdvajam javne garaže u naseljima Dobrinja, Vojničko Polje i Alipašino Polje.

8. Revitalizacija staze Rezervoar Mojnilo – Park šuma Mojnilo

Da li je u planu revitalizacija staze Rezervoar Mojnilo – Park šuma Mojnilo? Ova staza je do prije tri godine bila aktivno korištena od strane građana, ali je sada potpuno zapuštena i neprohodna. Posljednjih desetak godina funkcionisala je kao šumska stazica, poznata uglavnom lokalnom stanovništvu. Međutim, oko 2009. godine na toj trasi postojala je uređena planinarska staza sa drvenim stepeništem i rukohvatom, koju su koristili i učenici sa Dobrinje za časove u prirodi.

Razlozi za revitalizaciju:

- Omogućila bi siguran prolaz pješacima i ljubiteljima prirode.
- Doprinijela bi očuvanju i korištenju Park šume Mojnilo.
- Mogla bi se koristiti za edukativne svrhe, kao što je to ranije bio slučaj sa školskim grupama.

Molim za informaciju ukoliko postoji plan za revitalizaciju.

9. Rekonstrukcija i izgradnja dječijih igrališta na području općine, uključujući i centralno dječije igralište na Dobrinji 465.000,00 KM KAZ28 615100 (KAZ28 615100)

Molim vas za detaljnije informacije o projektu KAZ28 615100 – Rekonstrukcija i izgradnja dječijih igrališta na području općine, uključujući i centralno dječije igralište na Dobrinji.

Za ovaj projekat je prošle godine bilo alocirano 890.000,00 KM, a za ovu godinu 465.000,00 KM. Da li se centralno igralište na Dobrinji smatra Veliko igralište u ulici Omladinskih radnih brigada? Da li su ovom igralištu potrebne velike intervencije ili manje popravke?. Dobrinja u cijelosti ima premalo igrališta u odnosu na slobodne površine koje su predviđene za parkove i igrališta. Stoga bih voljela vidjeti plan u kojem su navedeni broj i lokacije igrališta koja su obuhvaćena ovim projektom. Predlažem preusmjerenje dijela sredstava sredstva na izgradnju i unapređenje drugih igrališta širom Dobrinje, kako bi djeca imala bolje uslove za igru u različitim dijelovima naselja, a ne samo koncentraciju u centralnom prostoru.

Molim detaljnije informacije o planu rekonstrukcije i izgradnje igrališta, kao i troškovnik za iste.

10. Sanacija objekata i izgradnja vanjskih sadržaja u okviru Centra za edukaciju, sport i rekreaciju Safet Zajko (KAZ34 615100)

Molim vas za detaljne informacije o projektu KAZ34 615100 – Sanacija objekata i izgradnja vanjskih sadržaja u okviru Centra za edukaciju, sport i rekreaciju Safet Zajko, za koji je ove godine predviđeno 300.000,00 KM. Molim informaciju koji su konkretni radovi ili intervencije u pitanju, da li je planirana

izgradnja novih sadržaja ili renoviranje postojećih objekata. Da li je utrošeno 600.000 KM iz 2024.godine?

Centar za edukaciju, sport i rekreaciju Safet Zajko je odličan projekat, koji može biti referencija za druge slične sadržaje. Ipak, smatram da je važno da se novac rasporedi i na druge lokacije i sadržaje u općini. Naime, postoje brojni sigurnosni problemi i osnovni životni uvjeti u nekim dijelovima općine koji zahtijevaju ulaganja, a na koje do sada nije bilo dovoljno pažnje. Iako je Centar Safet Zajko izuzetno važan, potrebno je razmisliti o decentralizaciji i ravnomjernijem ulaganju u druge oblasti. Stoga bih predložila da se dio sredstava iz ovog projekta raspodijeli za rješavanje tih problema, čime bismo osigurali bolje životne uvjete za sve građane.

11.ISCRTAVANJE PJEŠAČKOG PRELAZA PREKO PUTA TRG RADA PRATA 14

Potrebno je iscertati pješački prelaz kod pasaža, preko puta Trg grada Prata 14, kako bi se osigurao siguran prelazak pješaka preko ulice, s obzirom na veliku gužvu uzrokovanu prelaskom građana do prodavnica i drugih objekata.

12.OČUVANJE JAVNIH PROSTORA: KAMERE, ODGOVORNOST I SURADNJA ZA SMANJENJE DIVLJIH DEPONIJ I VANDALIZMA NA IGRALIŠTIMA

Obzirom na učestale slučajeve odlaganja kabastog otpada na neprikladnim lokacijama, predlažem da općina investirati u instalaciju kamera na ključnim tačkama, uključujući najfrekventnija mjesta za odlaganje otpada i igrališta. Također, predlažem suradnju s nadležnim institucijama kako bi se uspostavila jasna pravila za kažnjavanje građana koji ne poštuju norme. Na ovaj način, građani bi mogli aktivno sudjelovati u prijavljivanju neodgovornih pojedinaca, čime bi se stvorila zajednička odgovornost za očuvanje javnih prostora. Ova inicijativa se može dalje razvijati kroz konkretne mjere i suradnju s lokalnom zajednicom.

Posebno zabrinjava vandalizam na dječjim igralištima, koja su često uništena već nekoliko dana nakon postavljanja. Parkofska infrastruktura biva oštećena, čime se djeci uskraćuje sigurno mjesto za igru, a općina se suočava s dodatnim troškovima popravki. Postavljanjem nadzornih kamera i boljom kontrolom korištenja igrališta može se smanjiti broj ovih incidenata. Za oba navedena problema za početak predlažem parcijalan videonadzor, kako je već rečeno na ključnim igralištima/deponijama na kojima se problemi dešavaju i koja su već više puta prijavljivana od strane građana.

13.Projekat infostukturalnog uređenja u poslovnoj zoni – 500.000 KM (KAE 04)

Molim za više informacija o projektu infostrukturnog uređenja u poslovnoj zoni, za koji je izdvojeno 500.000 KM. O kojoj zoni se radi i šta je planirano u okviru ovog budžeta?

14. Sredstva za izgradnju i održavanje spomen obilježja i lokalnih grobalja - 350.000 KM (KAE01)

Molim obrazloženje i detaljnije informacije na koji način je planiram utrošak sredstava i na kojim mjestima.

Šta čini razliku i podrazumijeva odvojenu tačku: „Investiciono održavanje ostalih spomen obilježja“ 70.000 KM, šta je time planirano. (KAE 01)

15.Sredstva za izgradnju nobog spomen obilježja „dobrinjska barikada“ 120.000 i sredstva za izgradnju novog spomen obilježja kod o.š. Anex. 120.000 i 160.000KM (KAE01)

Molim detaljnije informacije o korišćenju sredstava namenjenih izgradnji spomenika „Dobrinjska barikada“ i spomenika kod O.Š. Anex. Također, predlažem da se javnosti prikaže dizajn ovih spomenika prije početka radova.

16. Izgradnja MZ "Alipašin most III" - 450.000,00 KM (SBA44 821200)

Molim detaljne informacije šta podrazumijeva izgradnju MZ "Alipašin most III" u iznosu od 450.000,00 KM toliko, dok je izgradnja društvene infrastrukture na Dobrinji planirana u iznosu od 100.000,00 KM.

Bilo bi korisno razumjeti osnovne razlike u ovim projektima i šta se planira za Dobrinju obzirom na to da su sredstva za MZ "Alipašin most III" znatno veća.

U budžetu za 2024.za istu tačku MZ Alipašin most III bio je predviđeno 550.000, da li je dio sredstava utrošen? Za istu tačku predviđeno je 900.000 za 2026.godinu i 1.000.000 za 2027.godinu. Možete li dati detaljnije informacije o navedenom?

17. Oprema za općinske službe, računarska oprema, namještaj, vozila i dr. - 250.000,00 KM (SCA02 821300)

Za 2024. godinu planirano je izdvajanje 250.000,00 KM za nabavku opreme za općinske službe, uključujući računarsku opremu, namještaj, vozila i druge potrebštine. Ova sredstva su predviđena kako bi se unaprijedila funkcionalnost općinskih službi, poboljšala efikasnost rada i omogućilo bolje pružanje usluga građanima.

Molim informaciju kako su ova sredstva bila utrošena u 2024. godini. Koja je tačno oprema nabavljena, kao i za koje specifične potrebe (računarska oprema, vozila, namještaj)? Koliko je opreme zamijenjeno i koliko je stara oprema još uvijek u upotrebi i koji broj istih čeka na zamjenu. Da li su sredstva u potpunosti utrošena ili je određeni dio ostao neiskorišten?

Molim za detaljan plan i specifikacije opreme koja je kupljena, kao i planirani troškovnik za 2024. i 2025.godinu.

18.Investicija za stadion Otoka - 1.450.000,00 KM (SDA15 821600)

Molim informaciju o utrošku sredstava (1.450.000,00 KM) za stadion Otoka za 2024.godinu. ? Možete li dostaviti detaljan troškovnik ili plan investicija za ovu sumu? Molim informaciju šta je konkretno planirano sa preostalim 150.000,00 KM za 2025. godini? Možete li predložiti informaciju o investicijama za stadion Otoka tokom poslednjih pet godina?

19. Rekonstrukcija i sanacija objekta "EKO" kuće - 170.000,00 KM (SBA39 821200)

Da li su sredstva od 170.000,00 KM planirana za 2024. godinu već utrošena? Ako jesu, za šta su tačno iskorištena? Kakva je rekonstrukcija rađena na EKO kući, obzirom da je kuća relativno nova? Molim vas za troškovnik radova.

Takođe, da li je posjetiocima omogućeno ulazak u EKO kuću ili je potrebna najava za posjetu?

Za šta je planirano da se iskoristi iznos od 5.000,00 KM u 2025. godini?

20. Izgradnja sportsko rekreativnog sadržaja u ul. Kenana Demirovića - 250.000,00 KM (SBA41 821200)

Molim informacije o uloženim sredstvima do sada u ovaj sportsko rekreativni sadržaj. Da li postoji dostupni plan ili troškovnik za ovu izgradnju koji bi mogao biti podijeljen sa javnošću kako bi se građani bolje upoznali s obimom radova i alokacijom budžeta.

-vijećnik Almir Maslo –

1.Inicijativa za izgradnju/rekonstrukciju velikog dječijeg igrališta na Dobrinji u ulici Omladinskih radnih brigada

Obrazloženje:Pokrećem inicijativu da se u skladu sa raspoloživim finansijskim sredstvima u narednom periodu pokrenu aktivnosti na rekonstrukciji postojećeg velikog dječijeg igrališta u naselju Dobrinja koje se nalazi u ulici Omladinskih radnih brigada.S obzirom da se pomenuto dječije igralište nalazi u centralnom dijelu naselja Dobrinja i da se isto koristi od strane velikog broja naših najmlađih stanovnika mišljenja sam da je potrebno izdvojiti sredstva i izvršiti rekonstrukciju trenutnog sadržaja dječijeg igrališta.

2.Inicijativa za nastavak radova u ulici Branislava Nušića na spoju sa

A transferzalom

Obrazloženje :Pokrećem inicijativu da se u narednom periodu planira izrada projektne dokumentacije o nastavku radova proširenja i sanacije preostalog dijela ulice Branislava Nušića koja izlazi na A transferzalu gdje je već rađeno proširenje i novi priključak a sama ulica se trenutno nalazi u katastrofalnom stanju dotrajala, nepregledna, bez pješačke staze i bez adekvatne javne rasvjete.

3. Inicijativa za rješavanje saobraćaja u mirovanju na području naselja Dobrinja V

Obrazloženje: Pokrećem inicijativu za rješavanje jednog od gorućeg problema na području naselja Dobrinja V nedostatak parking prostora za sve veći broj motornih vozila. Inicijativa se odnosi na izradu potrebnog elaborata/projekta vezano za statiku postojeće garaže kojom upravlja KJKP "RAD" u kapacitetu od 240 parking mjesta (na gornjoj etaži). S obzirom da na području naselja nema prostora za izgradnju novih parking prostora, a da trenutna garaža stoji neiskorištena, potrebno je usmjeriti radnje na rekonstrukciji, odnosno osposobljavanju već postojeće garaže, te inicijativu proslijediti prema Ministarstvu prostornog uređenja, građenja i zaštite okoliša Kantona Sarajevo i KJKP "RAD".

-vijećnica Selma Alić -

1. Podnosim inicijativu da se završi sanacija korita Dobrinskog potoka i asfaltira započeta šetnica uz potok na dijelu ulice Aleja Bosne Srebrene od broja 179 pa do mosta kod firme „Kuvet“

Obrazloženje

Otvor koji je ostao kod broja 135 Aleja Bosne Srebrene kako bi kasnije mogle ući mašine za dalje radove predstavlja opasnost od eventualne nezgode (pada kroz isti) kako za građane koji tu žive tako i za one koji prolaze tim dijelom naselja. Potpunom sanacijom korita sačuvali bi našu okolinu i učinili bolji ambijent za našu lokalnu zajednicu.

2. Podnosim inicijativu KJKP „Rad“ Sarajevo za postavljanje stacionarnih reciklomata na području Općine Novi Grad u blizini tržnog centra u ulici Kurta Šorka 28 ili tržnog centra u ulici Bulevar Mimara Sinana 1, za PET ambalažu, limenke i staklo uz novčanu naknadu. Po uzoru na zemlje EU.

Obrazloženje

Smatram da je ovakav korak od velikog značaja za podizanje ekološke svijesti građana. Reciklažom navedene vrste otpada možemo smanjiti količinu otpada koja se šalje na odlagalište, čime se smanjuje opasnost od zagađenja tla i vode, emisiju stakleničkih gasova i drugih štetnih uticaja otpada po okoliš. Zajedno možemo stvoriti svijet u kojem otpad postaje resurs, a ne teret.

3. Podnosim inicijativu da se što je moguće prije pronađe adekvatno rješenje kako bi se O.Š. Aleksa Šantić oslobodila plaćanja rente u iznosu 36 000 KM za dozvolu dogadnje sale za Tjelesni odgoj i dvije učionice.

Obrazloženje

Škola već duži period čeka na dozvolu za gradnju, a u Decembru 2024. godine dobili su rješenje o uplati rente. Škola nema tražena finansijska sredstva. Svi znamo da su nam škole od velike važnosti za društvenu zajednicu, kao i pohađanje nastave u adekvatnim uvjetima. Napominjem da oko 450 djece nemaju mogućnost pohađati časove Tjelesnog odgoja u sali, već to obavljaju u holu škole. Nadam se da će Općina Novi Grad sa načelnikom imati sluha i za rješenje ovog problema kao i mnogih do sada.

4. Podnosim inicijativu da se već dotrajao park u MZ Saraj Polje u neposrednoj blizini već izgrađenog parka za djecu rekonstruiše i napravi fitness park na otvorenom.

Obrazloženje

Kako već postoji novoizgrađeni park za igru, bilo bi korisno da se dio dotrajalog parka rekonstruiše kako bi cijela zelena površina bila ugodno mjesto boravka za sve dobne skupine građana ove lokalne zajednice.

Sprave za fitness na otvorenom namjenjene su osobama koje prakticiraju aktivno provođenje vremena na otvorenom. Koncipirane su tako da korisnicima pruže vrlo kvalitetan fitness trening uz anti – stress djelovanje i relaksaciju.

5. Ulažem urgenciju na inicijativu za izmjenu pravilnika o dodjeli stipendija za đake i studente podnešenu 30.01.2025.godine.

Po poslovniku o radu Općinskog vijeća član 125. stav (2) Općinski načelnik je dužan da u roku od 15 dana razmotri inicijativu i o svom stavu obavijesti Općinsko vijeće.

-vijećnik Mirza Memišević –

1.Asfaltiranje ulaza u ulici Sulejmana efendije Musića (brojevi 2, 3, 4)

Stanari ovog dijela ulice svakodnevno se suočavaju s problemima u pristupu svojim objektima zbog dotrajale i oštećene podloge. Inicijativom se traži sanacija i asfaltiranje ulaza kako bi se poboljšala sigurnost i funkcionalnost saobraćaja.

2.Povećanje učestalosti odvoza kabastog otpada

Zbog nedovoljne učestalosti organizovanog odvoza kabastog otpada, građani su primorani da nepropisno odlažu otpad, što stvara neuređene i nesanitarne deponije u naseljima. Predlažemo uspostavu dodatnih termina za odvoz i poboljšanje obavješćavanja građana o rasporedu odvoza.

3.Izmjena pravilnika o finansiranju postupaka vantjelesne oplodnje

Trenutni pravilnik ograničava pravo na finansiranje postupka vantjelesne oplodnje za aplikante starije od 42 godine. S obzirom na medicinske činjenice i evropske prakse, predlažemo izmjenu pravilnika kako bi se omogućila finansijska podrška i ženama starijim od 42 godine.

4.Opremanje i obnavljanje sale Općinskog vijeća Novi Grad Sarajevo

Sala Općinskog vijeća predstavlja prostor u kojem se donose ključne odluke za građane. Potrebno je njeno opremanje i obnavljanje kako bi se osigurali bolji uslovi za rad vijećnika i prisustvo građana na sjednicama.

5.Uspostava Dinosaur parka na području park-šume Mojnilo

Park-šuma Mojnilo predstavlja jedno od rijetkih većih zelenih područja u Općini Novi Grad Sarajevo i često je posjećena od strane porodica sa djecom.

Predlažemo razmatranje mogućnosti za uspostavu Dinosaur parka – edukativno-rekreativne zone sa modelima dinosaura u prirodnoj veličini, informativnim tablama i interaktivnim sadržajem za djecu.

Ovakav projekat bi doprinio turističkoj ponudi općine, obogaćivanju sadržaja za djecu i obrazovanju kroz zabavu. Moguće je osigurati sredstva putem javno-privatnih partnerstava, grantova za turizam ili ekoloških projekata.

II. VIJEĆNIČKA PITANJA

1. Dostava podataka o broju registrovanih vozila po ulicama i mjesnim zajednicama

Da li Policijska uprava Novi Grad Sarajevo posjeduje podatke o broju registrovanih vozila po ulicama i mjesnim zajednicama?

Ako posjeduje takve podatke, da li postoji zakonska mogućnost ili administrativna procedura prema kojoj bi Općina i vijećnici mogli dobiti uvid u ove informacije?

Ovi podaci su ključni za planiranje novih parking prostora i rješavanje problema nedostatka parkinga, te njihova dostupnost može značajno unaprijediti urbanističke planove.

2. Broj policijskih službenika u Policijskoj upravi Novi Grad Sarajevo

Koliko policijskih službenika trenutno radi u Policijskoj upravi Novi Grad Sarajevo?

Koliko je predviđeno sistematizacijom radnih mjesta?

Koliko je policijskih službenika raspoređeno na terenski rad, odnosno na redovne policijske patrole?

S obzirom na sigurnosne izazove i potrebe građana, da li je planirano povećanje broja policijskih službenika na terenu i kada?

-vijećnica Hana Keč -

1. Pokrećem inicijativu da Opština pokrene projekat kojim bi se pješački prelazi, bar oni u blizinama škola pretvore u pametne pješačke prelaze.

O B R A Z L O Ž E N J E

Pametni pješački prijelazi povećavaju sigurnost svih učesnika u saobraćaju, a posebno pješaka. Posebnu pažnju treba se posvetiti najmlađim te osigurati sigurne, vidljive prilaze školama. Pametni pješački prelazi bi osiguravali bolju osvijetljenost prijelaza, upozoravali bi vozače na prisustvo pješaka na prelazima, te prikupljaju informacije o broju vozila, njihovoj brzini i tezini, te broju pješaka.

2. Pokrećem inicijativu da kod ležećeg policajca u ulici Geteova kod O.Š. Meša Selimović postavi fizička barijera čime bi se onemogućilo parkiranje vozila uz sami pješački prelaz tj. uz ležećeg policajca.

O B R A Z L O Ž E N J E

Na spomenutom pješakom zbog parkiranih automobila neposredno uz prijelaz smanjena je preglednost svih učesnika u saobraćaju. Nemoguće je da vozači uoče da je neko dijete krenulo preći ulicu, a ni djeca ne vide da li dolazi automobil (slike u prilogu).

Isti problem smo imali u B fazi kod prelaza u blizini O.Š. Fatima Gunić koji je riješen postavljanjem betonskih zardinjera neposredno uz prijelaz.

3. Upućujem inicijativu Službi za obrazovanje, kulturu i sport Općine Novi Grad Sarajevo da u svim osnovnim školama na teritoriji Općine Novi Grad Sarajevo u ženskom toaletu postavi ormarić sa osnovnim higijenskim proizvodima.

OBRAZLOŽENJE:

Menstrualno siromaštvo označava izazove s kojima se suočavaju mnoge žene, djevojčice i njihove porodice u pokušaju da osiguraju pristup menstrualnim proizvodima, donjem rublju, lijekovima protiv bolova ili terapiji za liječenje menstrualnih poremećaja. Prema istraživanjima Svjetske Banke, čak 500 miliona žena širom svijeta nema adekvatan pristup osnovnim menstrualnim proizvodima i higijenskim sanitarnim prostorijama. Ovaj problem pogađa ženu i djevojčice, kako u zemljama u razvoju, tako i u ekonomski razvijenim državama.

S obzirom da je Vlada Kantona Sarajevo zajedno s partnerima obezbjedila besplatne higijenske uloške u svim srednjim školama tokom školske 2022/2023. godine, te da su za ovaj projekat izdvojena sredstva i za školsku 2023/2024. godinu, cilj ove inicijative je da se obezbijede besplatni higijenski ulošci i za učenice koje pohađaju osnovne škole na području Općine Novi Grad Sarajevo. Menstruacija je dio svakodnevnog života i neophodno je da se djevojčicama omogući siguran pristup odgovarajućem prostoru za održavanje higijene koji bi sadržavao proizvode za menstrualnu higijenu. Iz svih gore navedenih razloga, predlažem nadležnoj općinskoj službi da u svakoj osnovnoj školi, shodno broju učenica i njihovim potrebama, obezbijede ormariće u ženskim toaletima u kojima bi se nalazili menstrualni proizvodi.

-vijećnik Bojan Vučković -

Rekonstrukcija dječjeg igrališta u MZ Aneks

Obrazloženje:

Igralište je godinama u zapuštenom stanju, sa nedovršenom zaštitnom ogradom, dotrajanim koševima, golovima i betonskom podlogom. Rekonstrukcija zahtjeva potpunu promjenu postojeće podloge,

popravku ili potpunu zamjenu stare i dotrajale ograde te koševa i golova te rekonstrukciju tribine. Cijelo igralište bi bilo dobro da se pokrije video nadzorom kao obezbjeđenje dodatne sigurnosti prije svega naše djece a i kako bi se igralište sačuvalo od devastacije.

Djeca ove MZ zaslužuju kao i sva druga djeca naša opštine koja su već odavno dobila nova igrališta, jedno moderno, obnovljeno i savremeno igralište koje prije svega djeci omogućava sigurniju zabavu i zdravije odrastanje.

-vijećnik Jasmin Šošić -

Upućujem vijećničku inicijativu prema JP "Lokom" d.o.o. Sarajevo da se izvrši čišćenje i uređenje svih hair česmi na području Opštine Novi Grad Sarajevo, najkasnije do kraja mjeseca Ramazana, odnosno do Dana šehida.

-vijećnica Elma Lindov -

1. Inicijativa o nastavku II faze asfaltiranja dvorišta OŠ Fatima Gunić

Poštovani,

Podnosim inicijativu prema nadležnoj službi da se nastavi II faza asfaltiranja dvorišta Osnovne škole "Fatima Gunić", jer trenutno stanje dvorišta je izuzetno loše.

Ovaj problem znatno otežava svakodnevno kretanje, posebno invalidnim osobama, uključujući učenike i roditelje u kolicima.

Asfaltiranje bi doprinijelo većoj sigurnosti i pristupačnosti, omogućavajući svim učenicima i njihovim roditeljima lakše i bezbjednije kretanje unutar školskog dvorišta.

Zahvaljujem se na razumevanju i nadam se brzom rješavanju ovog problema.

2. Inicijativa za rješavanje gužve i saobraćaja u mirovanju tokom vjerskih obreda ispred džamije Kralj Fahd

Poštovani,

Obzirom da sam prisustvovala na Javnoj raspravi dvije mjesne zajednice, Alipašino Polje B1 i B2, na kojoj su građani iznijeli dugogodišnji problem na području B faze, tačnije na parking u do džamije Kralj Fahd.

Naime, svakodnevno u vremenu predviđenom za obavljanje molitve, a posebno u mjesecu Ramazanu – za vrijeme obavljanja Teravih namaza, stanovnici ovog naseljenog područja su onemogućeni da se sigurno kreću, zbog nepropisno parkiranih vozila, a vozilima hitne pomoći, vatrogascima, policiji i građanima je onemogućen pristup zgradi/ulazu i prolaz ovom dionicom, obzirom da se saobraćaj odvija u jednom smjeru, zbog prethodno navedenog problema.

Ovom prilikom bih zamolila PU Novi Grad Sarajevo da iznađu rješenje za ovu problematiku, te pojačaju prisustvo policijskih službenika, kako bi se izbjegle neželjene situacije i osigurala sigurnost svih građana.

-klub vijećnika SDA -

Inicijativa za donošenje Rezolucije

Poštovani,

U skladu sa članom 117. Poslovnika o radu Općinskog vijeća Novi Grad Sarajevo pokrećem inicijativu za donošenje Rezolucije:

U Gradskom vijeću grada Sarajeva u proceduri je inicijativa za donošenje Odluke o obilježavanju osnivanja Sarajeva, kojom bi se kao datum osnivanja Sarajeva utvrdio 01. februar, referirajući se na najstariji mogući datum pisanja vakufname Isa – bega Ishakovića, a to je 01. februar 1462. godine, kojom se vrlo jasno potvrđuje da je predmet izvještavanja čitava jedna graditeljska cjelina/kompleks sa sadržajima i kao takva predstavlja početak razvoja Sarajeva kao urbane cjeline.

Imajući u vidu navedeno, te činjenicu da je Novi Grad jedna od općina Grada Sarajeva, a sve u nastojanju da se doprinese da Sarajevo konačno dobije Dan osnivanja utemeljen na historijskim činjenicama, koji će se dostojno obilježavati. Klub SDA predlaže da Općinsko vijeće donese

REZOLUCIJU

- Općinsko vijeće podržava inicijativu kojom će se u Gradskom vijeću Grada Sarajeva donijeti Odluka o obilježavanju osnivanja Sarajeva, a kojom će se kao datum osnivanja Sarajeva utvrditi 01. februar, kao najstariji mogući datum pisanja vakufname Isa – bega Ishakovića, a to je 01. februar 1462. godine, te utvrditi i način njegovog obilježavanja.

Općinsko vijeće je stave da je utvrđivanje ovog datuma kao Dana osnivanja Sarajeva zasnovano na historijskim činjenicama, te da ni na koji način ne umanjuje značaj drugih datuma važnih za historiju našeg grada

-vijećnica Armela Humić -

1. Podnosim inicijativu za rekonstrukciju kraka ulice Vrbovska od broja 94 do broja 114 (cca 150-200 metara). Ulica se nalazi u katastrofalnom stanju s obzirom da je od posljednje rekonstrukcije prošlo više od 20 godina i samim tim stanovnicima iste je potrebna promjena na bolje.

2. Inicijativa za nastavak rekonstrukcije kraka ulice Cazinska od broja 1 do broja 40 (cca 200 metara) budući da se prethodnih godina rekonstrukcija ulice Cazinska vrsila u dvije faze i shodno navedenom je istu potrebno nastaviti za siguran život stanovnika.

-vijećnik Damir Filipović-

1. Da se izvrši rekonstrukcija ulice Smaje Šikala te rekonstrukcija kanalizacione i vodovodne mreže u istoimenoj ulici

Obrazloženje:

Ulica Smaje Šikala, smještena u naselju Boljakov Potok, već duže vrijeme ima značajan problem s plavljenjem tokom obilnijih padavina. Ovo je uzrokovano nekoliko faktora, uključujući neadekvatno odvodnjavanje, loše stanje kanalizacione mreže i nedovoljnu kapacitetu postojećih vodovodnih cijevi koje nisu prilagođene za veće količine oborinskih voda.

2. Inicijativa za izmjenu i dopunu Odluke o pristupanju izradi Regulacionog plana „RTV“

Na osnovu člana 3. Zakona o izmjenama i dopunama Zakona o prostornom uređenju („Službene novine Kantona Sarajeva“, broj 1/18), kojim je propisano da Gradsko vijeće Grada Sarajeva donosi odluku o pristupanju izradi regulacionog plana, podnosim inicijativu za izmjenu i dopunu Odluke o pristupanju izradi Regulacionog plana „RTV“.

Obrazloženje:

Regulacioni plan „RTV“ je ključan za razvoj urbanog prostora na području RTV doma. Prethodne izmjene i dopune ove odluke omogućile su usklađivanje plana sa savremenim urbanističkim i ekološkim standardima. Međutim, kako bi se dodatno unaprijedila povezanost i pristupačnost ovog područja, predlažem sljedeće izmjene i dopune:

Uređenje šetnice uz KJP GRAS: Planiranje i izgradnja šetnice duž desne obale rijeke Miljacke, koja će povezivati Bulevar Meše Selimovića i Džemala Bijedića, uz saradnju sa KJP GRAS.

Zeleni pojas i rekreacija: Uspostavljanje zelenih površina i rekreacionih sadržaja duž šetnice radi poboljšanja kvaliteta života građana.

S obzirom na značaj unapređenja urbanog prostora i povećanja kvaliteta života građana, molim nadležnu službu da ovu inicijativu proslijedi prema Upravi Grada Sarajeva kako bi istu razmotrili te pripremili Odluku o izmjeni i dopuni Odluke o pristupanju izradi Regulacionog plana „RTV“ o kojoj će se izjašnjavati Gradsko vijeće.

-klub vijećnika Narod i Pravda -

INICIJATIVA I

Shodno presudi Ustavnog suda FBiH Broj: U-12/22 od 12.10.2022. godine kojom je odbio apelaciju devet načelnika sarajevskih općina za ocjenu ustavnosti zakona i povrede prava na lokalnu samoupravu, a tiče se Odluke o organizaciji službi i sistematizaciji radnih mjesta, u presudi se navodi da općine nisu

osporenim odredbama Zakona ni na koji način "razvlašćene" jer su organi lokalne uprave Općinska vijeća i načelnici Općina.

S obzirom da Načelnik Općine Novi Grad Sarajevo nikada nije dostavio Općinskom vijeću Odluku o organizaciji službi i Sistematizaciju radnih mjesta tražim da iste dostave Općinskom vijeću na usvajanje, a od Općinskog vijeća Novi Grad Sarajevo tražim da se izjasni o ovoj Inicijativi na prvoj narednoj sjednici kako bi i mi konačno postali Općina koja na zakonit i ispravan način donosi navedene akte.

INICIJATIVA II - URGENCIJA

Na osnovu prethodnog Zaključka Općinskog vijeća Općine Novi Grad Sarajevo iz 2020. godine tražim od Načelnika Općine Novi Grad Sarajevo da hitno dostavi Uredu za borbu protiv korupcije, Registar zaposlenih u Općini Novi Grad Sarajevo, a u skladu sa Odlukom Vlade Kantona Sarajevo Odluku o izradi Registra zaposlenih u javnom sektoru na području Kantona Sarajevo od 21.02.2019. godine.

Registar predstavlja i kontrolni mehanizam trošenja javnih sredstava u segmentu zapošljavanja u cjelokupnom javnom sektoru te kao takav je važan alat u prevenciji korupcije.

PITANJE I

Koliko ima zaposlenih u odsjeku za urbanizmu sa adekvatnom stručnom spremom (dipl.arhitekata) na poslovima urbaniste u Općinskoj Službi za urbanizam, stambene, imovinsko-pravne, geodetske poslove i katastar nekretnina.

PITANJE II

Uznemireni smo čitajući iz medijskih natpisa npr. Portal slobodna-bosna.ba „Na ispit sa stranačkom preporukom“, (postaviti link) da su novi prijemi zaposlenika u Općinu isključivo po stranačkoj pripadnosti, tj. kandidati sa liste stranke SBiH na posljednim lokalnim izborima. Molimo hitan odgovor od komisije koja je provodila konkursnu proceduru kako su najviše ocijenjeni kandidati Dažaferović Haris i Azra Hasković. Ukoliko ne dobijemo adekvatan odgovor upućujemo prijava Tužilasstvu KS za zloupotrebu službenog, odgovornih lica iz komisije te načelnika Općine Novi Grad.

-vijećnica Edita Šandal -

1. Podnosim vijećničku inicijativu za izgradnju pješačke staze u ulici Kraljice Jelene tačnije od Otoke do Švrakinog Sela, odnosno ispod Suda Bosne i Hercegovine. Pješačka staza postoji samo u prvom dijelu ulice te je potrebno pronaći način za nastavak izgradnje iste. Ova ulica je jako frekventna a pješaci hodaju dijelom pješačke staze, nakon čega su zbog nedostatka iste prisiljeni hodati kolovoznom trakom i bježati od automobila. Nadam se da će se ovaj dio pješačke staze uraditi u što skorijem periodu.

2.Podnosim inicijativu prema domu zdravlja Novi Grad za nabavku uređaja za detekciju vena.Naime prilikom uzimanja uzoraka krvi kod starijih osoba i onkoloskih pacijenta medicinske sestre jako teško pronalaze vene, a takvim pacijentima su ruke preplavljene modricama. Većina privatnih laboratorija imaju ovakav uređaj te smatram da bi u dom zdravlja trebao imati pomenuti uređaj kako bi ovakvim pacijentima makar malo smanjili svakodnevne zdravstvene tegobe.

3. U kojoj fazi je izrada regulacionog plana "Briješće". Stanovnici i privrednici u ulici Brezanska već dugi niz godina čekaju na usvajanje ovoga regulacionog plana, kako bi mogli legalizovati objekte ali i otvoriti obrte u postojećim poslovnim prostorima. Pitanje uputiti prema Zavodu za Planiranje i Gradskoj upravi Grada Sarajeva

SEKRETAR
OPĆINSKOG VIJEĆA

Elvir Kosovac, dipl. pravnik

DOSTAVITI:

1. Naslovu
2. Predsjedavajući Općinskog vijeća
3. a/a